



21. februar 2017

Inatsisartut Suleriaasianni § 37 naapertorlugu Naalakkersuisunut apeqqutit imaattut matumuuna saqqummiuppakka:

**Apeqqutit:**

- 1. Suna pissutaava sinerissamut qanittumi qaleralinniarneq pillugu Namminersorlutik Oqartussat nalunaarutaata allanngortinneranut atatillugu ataasiinnarmik aqutsisoqarfimmik eqqussisoqarneranut (Nuuk)?**
- 2. Naalakkersuisut isumaat naapertorlugu aqutsisoqarfimmik "Kalaallit Nunaata sinnera"-nik atorunnaarsitsineq sunik iluaqutissartaqarpa aamma sunik akornguteqarpa - paarlattuanik eqqunnagit aqutsisoqarfiit immikkoortut arfinillit ukuusut: Maniitsoq, Paamiut, Sisimiut, Kalaallit Nunaata kujataa, Qaanaaq aamma Tasiilaq?**
- 3. Naalakkersuisut isumaat naapertorlugu sinerissap qanittuani qaleralinniarnissamut akuersissummik siunissami aqutsisoqarfimmi ataasiinnarmi atuisalernissamut aalajangiisoqarnera sunik iluaqutissartaqarpa aamma akornguteqarpa?**
- 4. Naalakkersuisut aggornilersuineq, apeqqut 2-mi taaneqartoq isumaqatigaat - imaluunniit Naalakkersuisut isumaqarpat amerlanerusunik imaluunniit ikinnerusunik aqutsisoqartarfeqartariaqartoq, taamaassappat suna pissutigalugu?**
- 5. Aggornilersuineq aamma killilersuineq apeqqummi 2-mi aamma 3-mi taaneqartoq pisortanut namminersorlutillu inuussutissarsiortunut aningaasatigut allaffissornikkullu qanoq kinguneqassanersoq Naalakkersuisut nalilerpaat?**
- 6. Naalakkersuisut isumaqataanerlutik aggornilersuineq killilersuinerlu apeqqummi 2-mi aamma 3-mi taaneqartut, atasinnaanerusumik aalisarnermut siuarsaaqataajumaartut?**
- 7. Imaassinnaaneruni aggornilersuineq killilersuinerlu apeqqumi 2-mi aamma 3-mi oqaatigineqartut, Aalisarnermut Nakkutilliisoqarfimmut (GFLK-mut) kiisalu Pinngortitaleriffimmut aningaasaliissutit amerlinerannik kinguneqarsinnaasoq - pisassiissutit aalajangersarnerannut atatilugu, nakkutilliinernut il.il.?**
- 8. Naalakkersuisut allanik attuumassuteqartunik taasaqarsinnaanerlutik?**

(Inatsisartunut ilaasortaq Michael Rosing, Demokraatit)

**Tunggavilersuut:**



Sinerissamut qanittumi qaleralinniarneq pillugu Namminersorlutik Oqartussat nalunaarutissaannut siunnersuut tusarniutigineqaqqammerpoq. Siunnersuut naapertorlugu Nuummot aqutsisoqarfimmik nutaamik pilersitsisoqarniarpoq, siunissami aalisarneq aqutsisoqarfinnut tallimanut agguarneqartussanngorlugu (Upernavik, Uummannaq, Qeqrtarsuup Tunua, Nuuk aamma Kalaallit Nunaata sinnera).

Isumaga naapertorlugu inissaminiissasorinaluarpoq, aqutsisoqarfik "Kalaallit Nunaata sinnera" atorunnaarsinneqaannartuuppat - paarlattuanillu immikkoortunik mikisualunnik arlalinnik pilersitsilluni, aalisarneq peqassutsit katitigaanerannut tulluarnersulersillugu. Aqutsisoqarfiit maannakkut ilusaat tunngavigalugu eqqarsaatigineqanngilaq sinerissami peqassutsit assigiinngitsut akornanni immikkoortiterisoqartarsinnaanissaa.

Ataavartumik aalisartoqaannarsinnaanissaa qularnaarumallugu isumaqarpunga naliginnaasumik aqutsisoqarfik iluaqutitalimmik ukununnga immikkoortunut aqutsisoqarfinnut agguarneqarsinnaalluartoq: Maniitsoq, Paamiut, Sisimiut, Sydgrønland, Qaanaaq aamma Tasiilaq.

Peqataanik isumaqarpunga nalunaarut allanngortinneqartariaqartoq, siunissami aalajangersarsinnaanngorlugu akuersissut tamaallaat aqutsisoqarfimmi ataatsimi atorneqarsinnaassasoq.

Tassunga atatillugu upernaamut ataatsimiinnissamut aalajangiiffigisassamik siunnersuusiassara suliaaraa, taamaattumik Naalakkersuisut qinnuigaakka apeqqutikka qulaaniittut akeqqullugit.

Apeqqutit akeqquakka ullut suliffiit naliginnaasut qulit iluanni.